

集部

欽定四庫全書等集卷五

集部

詳校官編修臣曹 中書日劉源河覆勘

城

校對官學正臣湯 總校官進士臣終 陪録舉人臣周文彬

珙

垣

てい アライン・エ 改之孩提之童無不知愛其親者而知孝之道根於人 TOTAL PROPERTY. CONTRACTOR OF 寫苑集 母為義也余曾即是書而 八所作以奉其親之所蓋 周是脩

一多 立四庫全書 有感轉躍鯉之應又如陸續黃香扇枕懷橘皆拳拳乎 舜而下能終慕者豈無人乎若老菜子行年七十為嬰 慕之心又能窮達而不變始終而如一者為尤難耳大 聲色貨利之所搖奪以盡其道者為難克盡其道而愛 心之固有天理之至順由而行之初不難也特能不為 親未曹頃刻而忘於懷非終慕者其能然乎欽惟天朝 兒啼欲親之喜王祥祭順有守奈分樵之誠盛彦姜詩 以孝治天下大語三編申明五常彰善雞惡天下之士

賢能稱二十七年陛授河南布政司經歷下車之初舉 簿職仍令服事冬曹歷武諸難既而名聞當路啧嘖有 十五年邑大夫以奇材異等舉貢朝堂籍名天官授主 士中之尤稱白眉者也少涉學工文解有美譽洪武二 是邑其喬木絕絕簪纓詩禮代有偉人安和則彭氏多 感與起莫不一篤於孝移以事君莫不一竭於忠馬矧 安和當名鄉之裔為盧陵望族尊溪山水之秀又甲於 不以孝悌力田舉則以孝廉徵使天下之為人子者觀

アミコートナー

粉乾集

懷雙親之不可見終幕堂之不得登而定省之道之不 轅轍而不可止至京則有廬州合淝之命每憑高望雲 賢良趙奸伏均賦役課農桑不五六月政聲隆治詠歌 寫其事而慰其心不淡自積成卷軸余雖不敏敬書此 克盡也敏悠然感喟然嘆或泫然流涕而不能自己馬 作馬巴而前官復任即解印就道河南士女莫不攀卧 在京宦游親友高其行而憫其情成賦為終幕堂詩以 以冠其簡端亦以見安和之於家國君親臣子忠孝之

金分四月全書

徴云 而有資也鳥獸之異類也而牛畊馬馳雞司晨大司夜 天地始分二無化生萬物並育人為最靈草木之無情 斯人斯堂之名又安知其不與老菜王祥蔡順之徒並 道克並行而不相悖其於為人可謂遠也已矣而他日 也而松柏以為字桑麻以為衣穀栗蔬果以為食於人 稱於後世而俱垂於無窮者乎是宜序以為太史氏之 飛練詩序

大之日華 在日

弱拖集

其勇可取也又聞有為主傳書往復千里不雅於患而 有資而有關若是又豈可以輕視而暴殄之哉況夫大 於人而有關也是則草木為默無情異類於人之日用 災其智可取也又聞有隨主射獵而主被虎搏則捐 遂其志其能可取也又聞有隨主荒郊野燒卒至而主 之為物其性之賦其用之資初不可以縣他獸論也何 醉卧冥昏則以身赴澤濡毛取水以濕草界火主賴免 則當聞有於公庭應聲而進雖嗾之弗當而從命敢決

金グロ屋人

沙定四年 全馬 駿迫出羣隊喙若傅丹眸若點漆質鮮白如練尾毛長 傳記不可枚舉乃洪武甲戌春有以良大來進狀貌奇 **徙澗亂莽叢係隱翳蒙羅則知獸之坎穴乃蘇然奮起** 雪之獅也於是命畜之而未試其能一日攜之獵于南 方之原人馬交馳旗旃飛楊鷹狗並縱是大固度地量 尺皎若銀紙耳中有毛亦長及五寸望之其形宛然玉 難進嚙退走主獲救免其義可取也其餘者聞載之 知非孤兔之所垂耳不發若無能者既而至於平林 勞堯集

鳴聲若有訴者乃遣騎從之果見奪者藏林中根煉歸 嘖嘖復至西陽即鹿於林大既獲鹿斃之人馬未至而 來擊而大先獲之監欲爭為鷹功大街冤情奔直詣馬 鹿為樵夫所奪大軟沿血馳至人馬所掉尾起伏作鳴 前以獻若示不讓於鷹者已復令隨鷹逐兔鷹得兔拳 鹿衆益竒之又獵於鄭郊大逐一免將獲老監急縱屬 迅疾如電而莫之及俄而所獲居多將校驚駭成稱異 餘未斃而幾逃大報助獲之旋置鷹前又若示不

金グロを日石門

とこりる シナー 義聞於前者已如彼而飛練之材能智慧見於今者又 要其功者又當當獵所有射一狐中其耳未殞投茶中 少好檢者何多當奉君臨事之際或懈怠而無成物之 如此是可以常大比之哉已而數曰世之人賢良者何 之命奉祠臣是脩序之臣以為大之為物也其智能勇 不復顧又以示歸功於射也殿下歷覩而深嘉之即名 之曰飛練以其白而疾也且命國之獻臣咸賦詩以紀 令大搜逐出之不齒以俟射復中其膊犬知狐殪舎去

剱羌集

動力四月全書 譽者比比有馬由是觀之皆飛練之不若也可不戒哉 效或在躁而失進退之時或詭隨以要功或嫉能以干 傳有之曰大馬非其土性不畜飛練為中土所生遇殿 而不如者乎是為序 之戒先後以有加始終而無數其禁幸之至比之騏驥 下之知而能用既命以美名而又紀其所異以為奸儉 顧而價增千倍者又不可以同年而語矣可以, 郡王和本中峰梅花百詠詩後序

實與中峰並驅覽畢問侍臣曰百篇同韻若二者之和 詩道之關於世教尚矣其美刺足以正人心其詠歌足 殿下因儒臣得元釋本中峰所和馬海栗梅花百詠詩 理而有補治化者莫不傳於世也乃洪武丁丑秋郡王 子莫不代有作者其作而協乎音律合乎體制該乎物 也是以有書契以來上自天子王公貴人以及庶民小 以移風俗又推其極至於動天地感思神亦固莫詩若 一帙繼又有以詩人王達善所和百首進其語句態度 DE LEE

廣平之賦殆不是過又觀儲君首序簡與蒼古與百篇 臣伏觀百篇之和清雅端潔與梅花而相高況其音律 竟莫不驚駭嗟羨以為天資神助迫非舉世所謂能詩 體制一出盛唐非惟籠達善而駕中峰方之和靖之章 者比也於是儲君殿下愛之軟親為之序而本末足徵 而交輝且於勸勵期望之情亦無至矣何其美哉二惠 不可以易言也越二日召儒臣示以所和百篇流誦未 果難乎左右咸曰非有充裕之才而精通於詩道者誠

欽定四庫全書

盛繼美乎周召追迹乎隆平以有光於皇祖之明訓則 積中英華發外播而為黃鍾大雅之音經然鳴國家之 稽古惟日孜孜是宜其夙有成而大異於衆也由兹而 往必將窮神知化以全其體開物成務以達其用和順 乎雖然殿下妙齡若此以顏悟之姿篤純明之學咨詢 百篇之詠其日新之權與乎奉祀周是脩謹序 競爽於一 送周繼吾節推歸上城詩序 時雙壁聯另於萬世非周邦之為枯能有是

欽定四庫全書 清泉百道湍激溜瀉合而為兩溪隨兩陵盤廻而出會 崑峭碎凌逼霄漢即霄漢之表播而為千峰萬軽望之 古之書臺西南幾二百里為上城是邑形勝之甲也其 分兩陵宛轉抱原之左右如城郭然地故以名其水則 如波濤洶湧繇雲中而降至上城則展而為高平之原 山從東北最高曰武功者延表而來往往層感疊嶂往 民之匝原以居者蟻聚蜂屯不啻千有餘室其著姓之 于原之陽為大川以東原之上則嘉禾脩篁蔥胥华欝

禮節媚習特授儀禮司序班進退岩郎謙約忠慎歷歷 吾甚不多見於是縣之子弟從繼吾将者接踵而至不 羈暴南街五峰嶽麓之勝當徑造馬而衝縣之士如繼 吾顏敏魁岸少為學能文章事其親以孝聞而卓榮不 水儲英硫秀有以致其然者余弗題也周氏之彦曰繼 若劉若周者皆衣冠詩禮代不乏偉人馬謂非上城山 期年薰其德而有成者蓋比比馬縣尹王公悦重之而 不敢私也以奇才異等貢送於朝天官論其容止端莊 あを表

聖天子知其然將待以不次之權而繼吾懇怨以母老 舉遂有金華府推之命下車之初撫孤貧擿奸伏枉者 識離楊將擇朝士之習憲者共平理之而食以繼吾為 以直苦者以樂政聲隆冷洋溢乎四境既而考績赴京 姻友陳文奎氏求前進士仲隆江先生首為詩以美之 乞歸養為請朝廷以其孝而憫其情許之行且有期其 而京之士君子喜聞而樂道者亦莫不歌詠以紹之無

多定匹庫全書 人

有賢能稱乃洪武二十八年因浙東州問政務煩劇刑

士之所以為學脩已治人之道而已矣誠知斯道不明 其規模設施又安知其不遠有勝於昔之政而大有異 之可尚也他日遂人子之心則當復出而鳴天朝之盛 於家國君親臣子忠孝之道克並行而不悖者已如是 必有以導之也是為序 於人者哉而亦有取於文奎氏之能成人之美而繼吾 何積成卷軸乃以余為同郡属序其簡首且謂繼吾之 送熊以淵之蕭山二尹詩序

然閱閱然夙與夜寐弗遑寧處以切問近思日就月將 之不足以為士能兢兢然而憂慄慄然而懼繼而孜孜 利之所奪使其德昭於上澤傳於下而免乎孟軻氏所 於有民社之寄則能竭盡已之忠廣推己之恕絜矩允 由終始如一吃然而不為聲色之所搖確然而不為貨 不底于明不己者固士之賢者也斯道明矣又知夫明 謂得人爵棄天爵之識者乃士之尤賢者也吾見其, 非艱行之為艱必立身揚名以受知於天子馴而至

識達治體變通不拘且剛毅果敢於强樂無所畏避見 當路報舉以綜理京衛各司之煩劇蓋歷武也而以淵 議下筆斐聖動數千百言莫不有經綸之具由是拇紳 邑库習科舉業氣質鶯然超邁流輩年未及冠擒辭建 綿振振益有光於前聞人以淵生而歧疑幼顏悟初錄 長者成器重之洪武甲戌春貢于大學未幾以賢能聞 蓋甲於是邑熊氏以故家文獻世積醇雁演慶發祥綿 矣其豫章靖安熊以淵氏乎所居里曰桃源山溪之秀 野毛真

致定四庫全書 為之序因導其志行之詳余知集禧為佳士其許與必 然則其臨於蕭山也獨不能發其所蘊於有為之日新 廣文張集禧氏首為詩以美之仍率朋将咸賦之属余 為有能今年冬遂有蕭山二尹之命於其行也其姻友 讒諂容悦之徒疾之如仇以故事無不濟而當路信其 無處于所學乎數政優優體皇上寬厚保民之心也溢 日用建諸事業於既往者已能如是之可道而可尚也 不苟也於是而知以淵質不羈之才篤知行之學施諸

益加勵馬則涉過自通安知其時不容若卓魯若襲黃 曹習聞而將必行之者耳雖然誠能不以余言為贅而 期於無刑也外寬內明而勤以自勉也上安下和而果 者專美於前而與之俱垂於後哉余日望之是為序 思佐令於成治之效也舉善問邪勿忘勿怠務踏民於 以自牧也是固皆士君子外内之事而亦以淵平昔所 仁壽之鄉也先之勞之草尚之風必偃也教之戒之則 事肅肅守先師諄復垂示之訓也敬老恤貧不驕不傲 易吃果

致定四庫全書 ▼ 其鞠育思其顧復思其愛子之心無所不至得不體此 欲所被由是而德有厚薄思有淺深為少異耳即其德 同惟其善故孩提之童無不知愛其親惟其同致徹上 以父母之心為心而盡子之道乎及其殁也思其居處 之厚而思之深者言之其親之存也思其生之膝下思 下貫古今為人子者無不思其親也然而氣稟或偏人 天之生此民也其性無不善人之有是性也其理無不 湖上飛雲詩序

|篇望雲而與親舍之感者人子之心詎不良有以乎番 農桑抑惡揚善撫孤恤貧民皆悦而歌之日偉哉程君 思其所樂所嗜春雨秋露不能無悽愴怵惕之變著存 霍丘丞佐令成治寬猛得宜舉賢才與學校修改堰課 庠讀書學禮超冠羣輩既而以親老歸養幾十稔有司 陽程春齡氏雅的卓雄之士孝友之行聞於人初由邑 不忘得不形於夢寐見於羹牆乎故誦詩而廢擊我之 スペープ・ハー シュニー 以其賢舉貢于朝曆天官歷試勤敏謙約當路器之授 蜀莼集

賢且慈愛民如子民愛之使我樂業願無違昔也蹙蹙 照磨之命任不輕也君則清濁無失人多徳之公退之 今怡怡吁嗟程君來何運吁嗟程君來何運洪武二十 親 暇焚香點坐南望匡盧彭蠡晴天蕩蕩白雲孤飛懷其 師連床夜雨具道其志之所以然余聞而善之為求同 公宇之堂曰湖山飛雲寓深思也元年春以朝觀來京 八年考績赴京邑之士女莫不攀卧轅轍既而有湖湘 而不見悠然與感慨然與嘆有不能自己者遂顔其

一銀 定四庫全書

官王公尹實象古四字在京交将士夫同其志者成賦 最深其姿質之秀性情之醇行藏用舍安於所遇固不 詩以美之居無何積成卷軸而請序於余余知程君為 77. 1.1.1 1.1. 因梁公之事以為之效賦其詩者必引梁公之事以為 見不能無同故也心既同矣則凡望雲而思其親者必 以古今天下忠孝之士其心之故不期於同而隨機發 良心之所自有初非有以求同於梁公而終無不同者 可以好名喜功者同日而語也其望雲思親之念出於 舅籍集

多定匹库全書 歸百慮而一致何聖朝仁人君子之衆多丈風詩道之 首清新俊逸者有之雄渾富麗者有之養古平淡者有 與盛而程君孝心之深至有足以歌動於人者如此也 是宜序以為後之為人子者勸馬 古今天下士固莫不有出處相近任用寵遇相近而心 之發揮其本然之善心期望其他日之大用殊途而同 之據是豈知程君思親名堂之意哉今所集詩凡若干 送同寅尹實王先生詩序

經應郡辟來京師握手歡如平生未幾以同日受官公 詩體元白而早升其堂與賢士大夫将蓋鮮有不心交 賀季真文華器識宛如劉公幹書法永斯而優入其室 昔既無代而不有其人求之於今鳥可謂寥寥當世乎 而腹接者宜其名之彰彰于時也洪武乙亥春俱以明 同寅四明王公尹實卓榮魁岸士也其風流瀟洒不減 若管夷吾之於鮑叔王陽之於貢禹皆是也然求於古 同道合表裏一致始終不渝以超乎流俗垂于不朽者

こくさいりゅう とったり

- 岛羌集

古四

府紀善之命感激殆不自勝忽覩公於千劍珮間知獲 論列之際左倡右和如出一口及退而從容則或相辨 免乎混流而又有同僚之雅其喜慰復有不自勝者矣 無時不在大江東也戊寅秋余幸脱汴難還朝亦有王 所當言當為者思同盡其心凡綱常之分禮法之宜於 則紀善王府余奉周府祠雖别去數千里而雲樹之思 既而伏謁西邸偕侍講席起居食息惟拳拳以職任之 明或相規戒或相勉勵或相扶持而余受公之益居多

動员四庫全書

欠己りしいたう 官也至於為國為親思所以盡忠盡孝又未曾不同志 致久要不忘之意耳 乎因亦為之歌而述夫契合之不偶然者弁其首庸以 也夫時同道同官同而志同者於其别也容可無一 矣於是名公鉅卿華其行而贈之以言者已幾盈笥予 洪武戊寅二月公乃以祭祖還鄉請之闕下胎車有日 不工為文亦拙於詩然於公生同時也學同道也仕同 送劉志衡之官臨海序 豹莼集

臨深見褒納既而陞授天台臨海縣丞宦游親友多賦 綸之才抱匡濟之術者莫不以所欲言奔走俯伏而對 聖天子龍飛九五大赦改元登明選公羣策畢舉於是 付大臣通議取其言之合宜者定其級急先後第而行 揚于天庭馬皇上雖以萬幾有所獻納必經御覽然後 志衡詣闕條陳致君澤民之切要者十有餘事聖鑒所 大而公卿奏伯次而文武百職以及幽人志士有懷經 之以故言路日廣而事無不便者馬丹徒教諭張陽劉

受知皇上遂有民社之寄将見其下車於臨海也言 默坐視於可與有為之日當義之所在乘時勇往以披 東忠貞之性以出而仕也豈有他哉上則感荷於君思 為歌詩以華其行者積成卷軸而請序之嗟乎士君子 矣初未會有一毫物欲之私身計之慮也志衡君子人 閱闔而呈琅玕者特將盡已之誠心行吾之直道而已 也好君之至知無不言行藏用含安于所遇竟以一鳴 下則假憐於民命別逢天子仁明属精圖治固不恐緘

be and the time

易乾集

金月四届全丰 海昌朱惟善孝友忠厚士也洪武末有司高其行義以 生民之所倚賴則涉遐自通升高自甲他日考殊熟膺 顯用馳譽於當時流芳於後世者又未必不於志衛氏 大有可觀而遠有異乎人者以無負於朝廷之所付托 必顧其行行必顧其言發其所為以周旋設施未必不 見之是為序 人才舉貢天官試各部事奉命驅馳歷布政司十三之 秋江别意圖詩序

期斯時也行者止者其傍徨眷感不思捨去之意為何一 舟甚力舟中一人與岸立者二人遙揖長頭如相語而 披圖覽縣則青山迢迢白水浩浩寒蘆髙枸隱約乎平 授職而親老於家者咸勃記名還養於是惟善得請東 綽有能名改元初皇上擴仁孝之心凡士繇徵起至京未 九皆以勤慎周密宏濟多艱無不慊當路意於是中 極浦危磯峻阪間有舟去岸鏡通咫尺一人標為雄 朋将君子有以秋江别意圖為贈者揖余而請題余

銀定四庫全書 溢乎中曲依依而不能已者又豈圖畫之所能形容其 雲縹鄉想龍顏之肅穆懷聖德之寬洪爱君戀闕之情 者在馬方其出應時需而任則所思者親也所慕者君 其彷彿者如此獨未知惟善當時别去之意有至切切 如哉然以予觀之此特朋友為別臨歧缱緣可以摹寫 也今則有命自天得遂終養思賜之厚孰加於此又安 可 昧耶故當其辭朝而出於郊關之外也回顧神京五 哉雖然惟善蒙君上之思愜養親之志出則將為

尚說之以無貧朋游托物寓意之勤馬則此圖為不徒 諒而多聞者乎是圖之為惟善贈者其意亦固有在比 矣又可於别去之際惟君親之是念而或遺交游之直 忠臣馬處則為孝子馬忠孝之道平昔非得良師友更 之蘇子卿之詩江文通之賦又豈有過於此哉惟善其 君子哉是則朋友為五常之一而有功於惟善亦不細 之之怒又烏能表裏一致始終不移期果無魂於古之 切磨更相勉属講之之明聞之之熟學之之為而守

していりき だれず

弱乾集

友壽陽司訓劉君嘉會卓榮凝重淹經貫史為文章如 有懷經濟之術者莫不撼其所蘊而自獻於明庭馬吾 聖天子新承大統属精圖治登崇俊良廣開言路改元 贈而當時士夫因之而詠歌者為不徒作矣是為序 本於理科舉之業其緒餘耳自結髮以來表表有聲江 波瀾浩瀚騰沸百川干態萬貌變化不可窺測其歸 初内而公卿百職事外而侯收羣有司以及志士幽人 送嘉會劉二尹之武進序

對方四庫全書

沙定四車 台号 ! 肯强出而有語也況時也義也皆未之可肯輕舉而爭 慮善以動動惟殿時輟而三數謂弟子曰士君子立天 右比居壽库五載薰其德而有成者無問題通讀書至 虚好乎遂以齊時保民善治之所當先者條建八事請 鳴乎若時既宜矣義亦在矣又安忍坐視緘默以負其 地間出處語點豈有他哉惟視義之所在時之可否而 上我今天子仁明宵开岩此容可無一言以副聖心之 已其或義在而時有未宜時宜而義有不在君子固不 - 錫葉集

難其人得嘉會軟陞以佐是邑非曰盡其才姑以寄 闕以聞天子嘉納報可下王軌大夫議以不次之權常 之武進岩邑也其民稠其賦夥擇守令之勝其任者率 至業朝堂衡論已定不復得請然則嘉會是行而盜武 子知承師問道其模範無如嘉會題奏願留者相繼而 方之民社觀其所以而為行遠升高之漸既而壽之弟 當以其所學施而為和風甘雨之政以甦枯沃朽使四 進也有數矣又何有於屑屑去就而有不懌然者哉惟

金少巴尼台門

境之内無一夫之不得其所無一物之不遂其生上有 哉他日功成譽顯流芳竹帛追卓魯而齊驅使吾郡之 深意況得前武御史方矣用中以為之長前廣文朱君 以神皇上用賢思治之盛心下不負朋将許與期望之 人皆曰安成矣之後何簪纓詩禮綿延炳朗以不她於 更相規戒更相扶持豈不政平訟理而遠有異於人者 雅德士也二三君子同寅協恭夙與夜寐以更相勉厲 仲安以判其簿又得國子生高君翔以領幕職皆忠貞

教記四華全書

粤莼集

壽陽殷國子語為成均之彦洪武戊寅夏五月謁余西 美者也觀其春雨既濡土膏融暖新笋森森動暄風而 先而益啓於後者如是豈不誠可尚哉是為序 教之乎余時雅與在竹因為寫淮壖春雨圖而語之曰 邸而言 曰語衆國恩得請還養行在旦夕先生其有以 竹之為物其體則一其用無方固草木中之至材而至 烜晴日畅達以成林君子之心豈不有以感夫父母之 送國子生殷浩歸壽州侍親序

沙世四年 上 竹之剛姿勵操不改於歲寒之後乎夫君子之進而事 竭忠之念思奔走先後疏附禦侮臨大節而不奪如斯 夫君臣之義本同於天地尊甲上下之分而凛然發其 養積翠間梅友松以凌傲水雪君子之心豈不有以見 其本乎觀其秋霜既降百穀登升而羣并具腓竹則凝 思冬温夏清昏定晨省如斯竹之昂霄布葉而交蔭於 德本同於天地生育長養之仁而暢然與其篤孝之心 君於廟堂之高也固未能少忘於其親其歸而事親於 易乾集

成功而垂譽必矣然則視斯竹為無魏而余之言為不 報效於國也其能執中仗正扶網振紀而夷險 徒已尚弱之哉子之師理用黄廣文吾心友也歸其以 薄謝祭利懇解以乞養如是矣吾知誥之他日復出而 所素有古今之所不謀而同者乎許也既能不忘其親 是質之必有以教子余何贅馬是為序 江湖之遠也又未能不慕於其君是豈非臣子之心之 湖蕭氏族譜序 一節以

宰相名德相望與唐興衰曠古所稀有者有舉進士對 7 ... J. J. J. 太子太傅同三品封宋國公若瑀者有自萬至遘八葉 子孫之樹豐功而楊盛烈者不可勝紀追唐而益熾有 由是而降綿綿炳炳代有偉人迄齊梁而貴顯極矣其 邑命氏歷周秦問聞者至漢相國何封鄰侯始著青史 春秋左氏傳曰天子建德因生以賜姓昨上而命之氏 之此氏族之始也蕭氏出宋微子之後支孫封於蕭因 **諸侯以字為諡因以為族官有世功則有官族邑亦如** 粤莞集

先諱昶五代末為巡察判官避馬希聲亂兄弟五人自 後有散居古之諸邑多為右姓其泰和髙行鄉諸蕭其 史與彭齊楊丕稱為江西三瑞若定基者皆其尤也其 策第一時稱夫子而諡文元若顏士者有以政事為御 以才德知名當路數世至睿字尚德繇禾溪徙大水爰 預鄉薦仕筠州推官曰廸仕國子監主簿曰逈曰選俱 湖南徙來是鄉之禾溪里因家馬四世至孫迅以文學)沙湖之上沙湖有蕭自尚徳始既而分枝布葉碩上

多片四库全書

T.

弗雅者有輕財好施宗戚雍睦鄉稱善人者又不可枚 左丞王公輔首為之跋迄今繼而述者未有其人乃求 舉也十二傳有宋景定二年以文行貢于春官而領清 蕃衍有以豐資厚産巨擘邑里者有敦性樂道而潜德 得前進士彭晉為之序又得先輩子芳謝先生海桑陳 上舎名登仕版者又三傳至子正貞良倜儻克亢其宗 秩若德升者再傳有以迪功郎致仕若濟者有為國子 公私綜理之服拳拳以家譜之修為務及自宣和二年

大三日本 かか

易蒐集

有曰情見于親親見于服服始于衰而至于總麻而至 培本淑後之心若是其篤又安得無一言以副其盛心 者衆矣意若無餘為矣何假余言之養哉雖然以子正 其家譜之别録併詩文一卷以序為余請余觀卷中作 先生选相發揮而本末之詳可徵矣然猶未以為足今 哉且余當讀老泉蘇氏族譜而知仁人之用心矣其引 年秋以納賦來京師余時備員王宫留居西邸子正持 ,無服服盡則親盡親盡則情盡情盡則喜不慶憂不

金分世月在十二

本者不可以不修其譜也今蕭氏得子正為能心老泉 余每報書而數曰甚矣人之不可以不厚其本欲厚其 吊喜不慶憂不吊則途人也吾所與相視如途人者其 孝悌之心可以油然而生矣一篇之中两致其意馬 至於塗人此吾譜之所以作也又曰嗚呼觀吾之譜者 之心而繼修其家譜使數百年之上本支源流秩然而 初兄弟也兄弟其初一人之身也悲夫一人之身分而 可儀粲然而可述固無處於其先矣數百年之下又必

欠巴丁至 二十二

易耗集

盂

遠蔑以尚矣而其子子孫孫絕絕蟄蟄方殷而未义世 有賢子孫心子正之心繼而修之所無魏於子正矣然 則蕭氏由漢唐以來簪纓詩禮之福澤可謂極盛而至

金万四月生書

修其德而紹其業若子正者其作角馬有不昌者乎古 人云公侯子孫必復其始吾以是為蕭氏望之是為序 贈名醫劉友謙序

後二十年游覽半字内觀世之醫鳴者凡以疾來候不

余蚤歲嘗讀柳宗元宋清傳意謂善矣而未之大可也

7 1.1 1.1 1.1 1 W 問言余以是而知數百載之下如宋清者未當果無其 名不盡計其利德之養於中施於外感而譽之者畧無 心仁恕抱專門之術日汲汲以濟人為務不街能不矜 清為人之信奇而宗元之傳為世勸者其意固有在也 利也孜孜馬惟能之是於貨之是殖其能以濟人為急 三反而不至欲重其街也藏一樂非倍價不售欲豐其 又十年餘余備員周潘得吾友醫正京口張君士倫存 而候之報行求之敏與者幾何而見其人乎然後知宋 多花集

彦銘馬公謂余曰友謙金陵人也世業醫隱居郡之龍 渡里地位與追門選繁迴其先德後利之心實與士倫 人也又五年余改官京師又得劉友謙氏於中書劉公 與余遇於京之公居一語陷合宛如故交一日復與會 道以濟京民之夭折資仁治馬大用蓋有日矣今年春 正皇上知其人之不易得也弗遣留之太醫院伴行其 余曰友謙曾寫鳳陽蜀王聞其賢請於朝欲補為良醫 而彷彿又知若宋清之流者天下不止於一也公又謂

一多 大匹庫全書

The Street Like 然而然今而言報吾心豈為利有若是之急哉卒却 吾不忍少運而失乎可救之機故汲汲奔走當不覺其 於大中街之樂室談及兒曹遘疾危殆友謙惻然不待 人之一息奄奄欲絕其救之之機可否遲速在于頃刻 無慮矣不數劑而以瘳長揖别去於金帛之報邈然不 尚賴一線之可活耳亟以方寸七投之既又察之則曰 之屑也强之而曰吾聞疾殆不待召而自來視者顧以 余請與否也輕命駕促余俱歸切其脈則曰幾不及矣 易乾集 东

專美於前低祭之禹稷伊尹之心亦將無不同矣古人 岩是其急原其心德之良非徒使任倫不得專美於當 舜之澤者若已推而納之溝中聖賢之心固不以時世 者猶已飢之也伊尹任政而思匹夫匹婦有不與被堯 受余聞而異之曰友謙其賢乎哉夫禹治洪水而思天 之先後而有異也今友謙視天下之有疾者汲汲思濟 今亦將使宋清不得專美於前代矣非徒使宋清不得 下有溺者猶已溺之也后稷教民稼穑而思天下有飢

一銀定四庫全書

謝馬是為序 尚引之可也中書公作而以且請書此以為友謙道且 良相良醫之喻寧不信哉雖然友謙不屑金幣之報而 天下之山發乎西極播乎兩間為五嶽為四鎮為峨岷 子孫使柳子之一傳不朽於萬世不可謂不厚矣自今 家亦不乏者誠有若宋清矣天之報宋清者非獨于其 以往又安知天不有厚於報宋清者報友謙乎友謙其 送宋司訓萬鍾之官海門序

Refair I

易乾集

主

國员四月全書 為澄溪瀰漫浟湙湛乎其可悦是水體之正而得其平 者然也及其為飛瀧為激溜為奔難為怒峽咆哮衝決 宇為五湖為四海為江河淮濟為脩渠為廣川為深淵 棧為懸崖為絕谷崎嶇屼嶫巉乎其可畏是山體之變 為乎其可懼是水體之變而不得其平者然也雖然山 而不得其常者然也天下之水亦然源乎崑崙演乎蒙 太行為叢峰為疊嶂為長陵為大阜鍾竒獻秀尉乎其 可觀是山體之正而得其常者然也及其為羊腸為複

益輕重也人之處於世也亦然士君子生於華夏出於 水隨地之夷險而為之正變變而正正而變變而復正 **遐妮乎為志士之所嗟惜是君子之道之未達而塞者** 往開來秩乎其可宗是君子之道之得行而通者然也 於時為循吏為良輔為抗直為忠勇義烈立紀陳網繼 名門東聰敏之姿得淵源之學其才優其德盛起而用 不一也而山水之為山水固自若終不以是而有所損 及其為遺逸為沈滞為困阨為甲屈懷瑜握瑾默守幽

とている ころ

易葬集

一學博交游士夫莫不以其位之不當其材而憫其志之 邑大夫復以明經行修强起而上之天官領揚州海門 野服晏如也今天子嗣位之明年旁求俊义列于庶位 為監察御史立朝端謹風節凛然未幾以事免歸舊中 終不以是而損益輕重也契斯古者其惟同邑宋萬鍾 通而塞塞而復通不一也而君子之為君子固自若亦 然也雖然君子之道隨命之屯亨而為之通塞塞而通 氏乎萬鍾由成童補邑庠弟子員既而撥巍科齊膴仕

金元人四個分司

芥之動于中而形于辭色者余益知萬鍾之未止於是! 夫屯亨通塞之於君子而不與馬之意以解之是為序 服政之年方使之大發其為又何晚乎余西夫交将者 也況其春秋之富豈非天之爱之使之涵養造就優将 之感報因贈行詩序而引夫夷險正變之於山水以喻 厭飲於仁義道德之歸禮樂刑政之本俟其至於强壯 不得大展萬鍾之心則怡然自如於得失憂喜略無纖 J. 17:20 1.11 待休樓詩序 錫菲集

中以是而已宋王元之守黄州擇于城西北隅起竹樓 **国京四库全書** 大其傑然者池陽太守美問洪武中遇知高廟持節廣 中洲南唐嗣馬都尉劉公希之裔世居之至今益蕃以 井幹麗熊之跨雄關靡也盧陵之西六十里有勝境曰 日領夫幽閱遠夏之趣亦以是而已舉非若齊雲落星 優道里放意文酒疏流種樹構石樓日與實友相娱其 納風月而適性情於世塵之表也唐白樂天晚退東都 居而有樓者無非取其高朗清河可以延眺望覽溪山

作选出居無何星移物故太守公遠厭浮祭溘馬仙逝 勝而悦之日斯樓待吾歸休以怡老於是矣因名曰待 筆床茶竈琴書圖畫之雅備乎其內直與樂天東都元 海便道還鄉而其家嗣集大會拓居之後作樓三間眄 名士君子聞太守之風者莫不形於咏歌往往篇章間 休同邑雲窩趙先生首為之記而本末可徵既而四方! 之黄州之構不容以優劣議也太守公停擊弭節覽其 陽負陰映帶溪壑煙雲竹樹魚鳥田園之態交乎其外

易乾集

之卷属余序之余於太守公有忘年之契且知集大有 車之請則斯樓之待休不于其親必于其身不但于其 待休之所在即親之所在春雨秋露著存不忘羹牆之 待休之篇暮而登斯樓思待休之義能無働於其親乎 見庸有已乎今年夏四月集大以貢賦來京師持待休 勝縣固有加而無替馬集大篤孝人也朝而登斯樓觀 五馬不復南矣而集大之繼志述事與夫樓中之清気 用世之才異日出應時需功成譽顯優将進退而遂懸

一好定匹庫全書

先弟敬先俱以明經舉授學官有若奉先承先希先及 王氏世居西昌楓林里其先宋洪州司理與吾先潭州 1) C. T. ... 1 1.1 C. 主簿公為姻家司理之後不四三傳而業益以大族益 九成隱君二子起予德子皆衣冠文物彬彬楚楚為四 國初三十年者艾相次物故于時譽髦有若吾友兄效 以廣分處乎是邑之間者數千指而多以詩禮立門戶 身又將于其子于其孫于其雲仍於弈世矣是為序 送表姪鄉貢進士王伯暈之官廣東序 易莼集

穿楊葉於百步折桂枝於九霄殆其餘事耳既而目迷 盛數今子復伯暈以祖孫齊賢領鄉薦同詣春官同授 同領鄉薦指春官朋将識者莫不奇其氣高其文而謂 科第之學雅雅有聲江鄉後先較藝秋闡以洪武與辰 余以王氏之盾遭際明辰而一門簪笏輝映若此不既 之命伯暈亦授德慶州學官行且有期謁余言以為辭 五色止中乙榜士林惜之於是子復有廣東化州學正 方子弟矜式其尤彦若子復并其姪字先子伯暈並以

一 野定四庫全書

暈者惟當仰體皇上樂育作與之意免馬孜孜以盡其 學職同而将官於廣海南行之道又同不亦美數若伯 屑屑為計者可得謂之達乎矧王氏之仕於官者皆茂 俊秀安知非天祐於王氏若綿綿之瓜瓞愈延而愈番 典 **齡英發安知非天將老其才使行遠自通積小以高大 興日撥巍科膺顯擢而又大有光於前者哉然則伯暈** 力期無處於名教可也彼不顧其行而專以利鈍崇甲 日砂華躋廳而遠有過於人者哉處於家者皆聰敏 弱點集

皇帝即位改元當持守盈成之初屬志文治立賢無方 徵也亦必矣夫何疑哉是為序 其臨於德慶也朝思夕思而必以敬勝乎息日新又新 庭第其等差而寄以民社急先務也河南朱又新首中 昭寫乎己之憶慥而後使人憶慥誠如是則吾言之可 凡多士之樂育於辟雅者勒祭酒官遊妆其尤親試殿 而勿以豫浮乎謙必將極乎已之昭昭者而後使人昭 送朱又新之崇仁序

為詩以華其行属余叙其首簡嗟乎賢者國之器也器 得賢貳尹若又新二三君子同心同德以康庶事馬有 向得大尹時侯判簿張君皆方正恭勤民樂其化今復 大縣人物蕃廳風俗淳龐宗人府經歷黄公子中邑人 高第而有撫州崇仁之命撫為江右名郡崇仁則撫之 新偉然其儀表温然其辭氣而介然其操行喜曰崇仁 也又親發動戒嚴謁公解宇而咨詢其利病馬公觀又 不濟者乎吾父母之邦慶幸至矣率朝之名士大夫成 易尾集

黄公之所喜也必矣況其資禀之良學力精到於修己 一致定四庫全書 一 治人之要得之為有素乎傳曰行遠自通升高自軍以 務又新當盛壯之歲膺御試之紫而蒙不次之權可不 勞而治矣欲斯民之安其田里而無數息愁恨之聲不 賢守令則一邑不勞而治矣天下得賢守令則天下不 擇賢守令不可得也皇上憫民生之艱以得守令為先 知所自責乎知所自貴則能以皇上之心為心而無負 用利則用力少而就效衆誠哉古人之言乎今一色得

才優而行方與余交二十年如一日每過舉子問開寫 望其雲蒸霧消暈雖鱗次隱隱約約於湖天之間者二 映乎其北金原之徑禮門之山連絡乎其南白沙翠竹 三著姓之喬木世居也鄧氏之彦曰道龍質秀而志廣 之墟梁潭蘭村之勝綢繆乎其東左控釣臺右桿石笋 盧陵避流而上百餘里曰郎湖華蓋之峰 八之水掩 又新之器豈久淹於崇仁乎是為序 湖天遠思詩序 部義集 中四

寅九月余由汴還朝改衛府紀善留京邱厥明年而道 成冬以余徵辟至京而有周府祠官之命既而道龍亦 想湧翠山亭吟風 詠月更倡选和悠然而共通洪武甲 經軒商確文字評論古今人物之服復相與歷洗硯池 乃請於余日人之所以不能忘者莫親若也今也官将 龍亦歸輦下因得聚首都城交罄别來之東曲噫固皆 以薦領河清縣幕職東西修阻音問不接者四三載戊 有可感者矣居無何道龍以前資政佐湖廣光化縣事

一致定四庫全書

有以發之乎余日善哉子之顏其軒也夫仁人孝子之 温清之既違不能無昔人顧瞻徘徊之慨故將即解宇 違之界月於數百里之外有不思者乎違之界月於數 於親頃刻跬步而不能忘況違之累日于數十里之外 之軒名之日湖天遠思以寓余念親不忘之意先生其 而有不思者乎違之累日於數十里之外不能不思況 日久慈親在堂南望湖天一碧飛雲追遍定省之莫致

ころういいれ

百里之外固不能不思又沉違之界歲於數千里之外

易乾集

手五

一壽之繁祺非兼盡臣子之道者能有是乎是宜序以為 當物宜家給人足康能之譽翔治於朝端因流聲於湖 **德禮之政處同寅以謙撫百姓以仁待羣吏以正使事** 者乎違之之益遠思之之益深宜是軒之所以名而士 於人者良足稱矣移以事君其忠之異於人者寧不亦 君子詠歌之所由作也於是見道龍之於親其孝之典 上繇此受知聖皇而曆不次之顯權慰安慈母而益眉 可書乎然則是行而盜光化也固當以忠孝之心施為

到 京四庫全書

將來勸 資産而以好施為心者有儋於爵禄而以種德為務者 今二十餘世居横塘宗族蕃行不下數千百指有豐於 詩而知西昌横塘吳氏慶源之遠吳氏由虔刺史相迄 有後傑而能文以載道者有恬退而養高以屬操者弗 余讀前翰林解君積善堂記暨賢士大夫所謂詠歌之 舜紀也與余交曰士賢者秉性剛毅負才穎敏遊四方 積善堂詩序 锡乾集 弄

有識之士道而評之者如出一口歸則端居自適參會 容可以不厚乎斯堂之所由名也吳氏之善積之而無 東理因思其先世累葉淳麗肆其本固未茂承承繼繼 多取知於大人君子故其聞也廣其見也超人皆信其 以有今日善之積於既往者為不薄矣為子孫者又可 解君安得不取之而諄諄為之記賢士大夫又安得不 不人人以善自勉期不負於厥先則善之積於方來者 已宜士賢念之而不忘揭之以名堂其佑啟之意深矣

| 欽定四庫全書 |

喜聞樂道而彰彰於該歌之音乎然則斯堂也斯善也 斯記若詩也即士賢之心與為士賢之後將並傳於悠 氏之在横塘者其先出於度州刺史相始居文江之蟾 修家譜訪余西邸而請叙再辭不獲即其譜而考之吳 余還朝之明年同邑横塘吳士賢氏來游京師持其所 餘慶吾於橫塘吳氏假之且書此以為積善堂詩文序 久其所謂衮衮而生者無足異矣易曰積善之家必有 吳氏族譜序

1/4. Januar 1. Lin

粤義集

圭

夢雷俱文學淵粹夢雷字震翁生宗大宗立富而好禮 積善寫永勸也又能力學不怠式光先業觀其不以聲 與從正而家益以殷族益以蕃從吉字叔文二子南山 吳自季古始五傳至光允公生五子從善從謙從吉從 士賢志剛才敏念厥祖而不忘受福之所自顏其堂曰! 宗大字徳元三傳至士賢世以豐厚詩禮名家君子謂 先氏歷彦高子季古由沙溪香一岡而遷橫塘橫塘有 溪洞季子曰守者官至常侍十二傳至紹與省元首善

多定匹庫全書

命之氏故天下之得姓受氏莫非軒轅之子孫也周姬 平侯漢以元數圖形雲臺自時服後植主儋爵建宋元 海内者不少也至長沙王的德業者于史册大司馬廣 姓武王時泰伯之後封於吳其後因國以為姓有若季 礼之賢為吾夫子之尊慕及宗國不祀其本支之散處 而通顯者不可勝紀然莫非太伯之子孫也度刺史之 而足徵矣嗚呼古者黄帝氏立因生以賜姓胙之土而 利為急而奉奉於族譜之是務其不怠不忘之實即此

12/2.17 mm 1 /21 1

錫荛集

多方匹庫全書 欲叙譜而汲汲以余為請可謂賢也已矣數百載之下 先則本出於長沙之派至今二十四傳綿綿盤墊蔓延 於兹里者又莫非刺史之裔也夫以吳氏之盛而慶源 不修也宜士賢之拳拳既能修譜而承其祖考之志復 廟者昆弟之親無不在馬宗法不立則祭法不明然而 之虞文靖公云有祖之廟者父之親無不在馬有父之 後世譜牒聯屬親親者猶古宗法之遺意譜固不可以 之遠如此達老泉蘇氏之古者譜可以不修乎況當聞

所稽而免乎蘇氏途人之嘆不亦賢乎又當知士賢積 衮衮生公侯者必復其始矣是宜叙以為吳之後之勉 新月盛以無負於士賢承先啓後之深意而杜氏所謂 善名堂之義人人而體之世世而篤之則呉氏之善日 氏之譜將愈遠而愈彰使同源分流雖千萬之廣得有 其子孫孫子代有能以士賢之心務士賢之務者則是 且望馬 ストンフリー たたり 送劉季麗辭學官歸廬陵序 易葬集

為請豈無說乎夫季麗為盧陵著姓詩禮籍經世不替 子致身行道揚名顯親日也而吾同郡劉君季麗有司 以明經舉請天官壯而行之誠其時矣而像像以歸田 士君子之立於天下也幼學壯行小則施德於鄉邑大 今海宇隆平聖天子在上群策畢舉野無遺逸正士君 則弘化於邦家以致君以澤民垂芳名於竹帛干載而 合道馬而不行則不得已而有去歸之思豈其宜哉方 不渝者固其宜也不幸而不遇明時遭聖主言馬而不

金与四月全書

· 聖以岳陽丞及於任仲兄叔吳用知己者薦授辰州沅 **陵令其猶子田人初筮仕醴陵學官季麗又不能免於** 門戶先府君慕陶處士養德不樂仕進以壽終伯兄孟 然季麗之志則固有在馬吾知其以為一門之內盡處 縣之交辟而有是行何劉氏詩書之澤承承繼繼雖 誰與守宗桃而肅家政乎是以決於勇退使吾兄若 不仕也則誰與輔天子而康群黎乎盡仕而不處也

姓之仕於時者無內顧之虞而奉先主祀之存於家者

粤乾集.

多定匹庫全書 有不匮之托聖天子知其如此名天官之奏而季麗之 誠各得其道矣而士君子之立於天下又未宜止於是 遂馬可謂不負其先府君慕陶之高矣於其歸也周子 餘發於持滿之末者矣老子曰大器晚成吾將見季麗 灑酒話别而贈之以言日子之進退於國家君親之義 而鳴國家之盛則所以經綸設施直可謂流於既溢之 明乎禮義之歸而考乎政治之要俟至乎强仕之年出 而已也必也即雲林之服窮經博史以講乎道德之原

古今天下士蓋曹不贵於名浮其寔而貴於寔浮其名 史金華王公伯靜氏乎公秉賦仁厚而操優不羣當其 問言也以之訊於鄉於邑於國於天下無一議之或予 髮務外之私以之而省於身內不疚也以之驗於家無 者何也以其能力學為已時止時行唯義所在而無毫 看馬者是豈不為君子之所貴哉吾見其人矣其唯御 之大有過於人者而益信是為序 贈御史王伯靜叙

「つくこう」 これで

芻乾集

然其心退然不求知於當路宜其端居適性如良材美 遵養時晦隱德弗耀而凡修之於身施之於家推之於 璞日滋長於煙霞雨露之間而足以為今日明廷棟梁 鄉於邑者出一善言為一善事莫非可以化民成俗者 運重言論之慷慨氣宇之宏深當稠人中雖接一詞已 瑚璉之資也始公之徵詣公車也容貌之蒼古威儀之 知公之為國令器也既而首進所著忠孝一書受知皇 一領鳥府之任鐵冠泉簡此然於丹陸之下不動聲色

| 多定四庫全書

樂交忠貞士曹過從館下因得鄉先生汪潤之所傳宴 拳汲汲本仁祖義匡君赦民知無不言言無不盡濟時 區趨時自好者之可同日而語哉余素喜近老成人又 為國之心不忘於夢寐凡夜之所思且必以入告不為 邑者今又顯於國而及於天下矣何其偉哉而公方拳 汲 之熟無斬魏後之忠是皆公之天性然也夫豈區 而不負朝廷耳目之寄也然則向之施於家推於鄉於 而奸諛為之膽落臺間為之風生而後知公果為國器

天王可見在野 一

易発集

里.

讀之繼以朝之名卿鉅公所述雄文連編而累贖其所 生子人口。但人自己是 乎大皇之姓兮今來儀乎朝廷街靈圖而獻君門兮為 國之禎托梧桐以夕止兮向朝陽而時鳴既覽徳而不 失分願諮音乎韶鈞庶感孚乎天人兮垂慶譽於千春 而為之歌曰緊鸞鳳之間世兮爛九章而成文始縹縹 以紀公之德業出處者詳矣然余自以為知不在時賢 歌未竟有客檢舞擊節而和於列曰彼首之皓分大器 下又不能申之一言以補其未至馬乃既為之序又從

之得名宜驚鳳之托物兮比與為精尚亹亹而日修兮 晚成彼心之丹兮為國為民與時顯晦兮孔哲而明風 日也 叙之左方以為公之美且勸云時洪武與限十月十五 祈有光於永齡和既已余莞爾而作客請并其歌書於 雨以齊時兮思沛澤乎羣生薄聽馬之著望兮鄙蒼鷹 與夜寐兮激濁揚清抱仁履義兮真無愧乎生平為霖 送劉司訓仲珩之官石城序

欠 三四車全書

·另养集

爾之 莫劉氏者也劉之彦曰仲 來禮意之厚便命之坚俱有不可卻者乃以洪武庚辰 乏員人材放失知仲 至以親年者艾固群久之既 春偕其宗老曰公正同貢於天官膺廷武本經義 曠 和之北四十里禾溪之流出馬溪之北重岡疊阜窮 師講之友甫弱齡而經史淹貫於是郡縣之辟交 原四民之相 聚以居者縣門接屋其中族姓則皆 **珩名且以陳君孟潔之薦書幣之** 珩頳 而 敏不羣同聞庭訓而 · 頭石城之賢尹以學官 又

Ľ

j.

卷五

策而俱中高第自非家學淵源才力優裕者能有是哉 為能兩全矣至於正已以正人篤志而不倦涵養造就 職於石城者豈不以石城去鄉不數百里順流之便音 固當披間闔呈琅玕以自結主知大展其抱負其熟曰 年之契謁言以為别余日士君子立身名教若仲珩者 之官有期以余為同邑且當與其季父仰霄先生有忘 問相通而時或得觀省之忱乎然則仲珩於忠孝之道 不宜今也從容退遜不得已而遠違膝下則又恬就清 易乾集 型型

一致定四庫全書 於九載樂育之間譬之松相必足其尺度然後應時需 開平舊元都追蹟扣肯海轉黑山越集寧而駐於大同 使覽者知仲珩之未止於是 又安知非仲珩之初心乎仲珩咲而不言固書以為贈 而柱明堂棟大厦傑然有補於天朝倬然有耀於後世 野歷於邯鄲涉滹沱而向幽薊度居庸闢出古長城抵 余當佐戎清朔圉策驪黄擁旌旄以亂於黄河經於牧 松莊詩文序

有意獨以此為不中華若也洪武辛已余備員衛府官 接遼陽南控恒嶽其風氣早寒而不至於極其土平曠 馬大同秦漢雲中大郡也其地北瀕大漢西界黑水東 內地余留止旬有餘日登高臨覽用古興懷悠然慷慨 由五代趙宋以來率陷而為北朝我天朝混而一之復 宜泰栗其山盤週其水繁帶其人丰偉剛勁其俗醇朴 而思得此人逸士以備詢畴昔英雄成敗蓋邀乎其無 居京師邑友楊君士奇嘗客荆相間交将契合者多奇 易乾集

一致定匹庫全書 傑士一日持卷謁余曰吾友張從善氏名登雲中人侍 離雲中五載於兹矣而始聞有若從善之為人然後知 有松一株為其先大父所手封翁鬱暢茂因名所居曰 程朱張之古於古今事尤博通性至孝友其雲中故居 其親於武昌戎伍中博學而有文惇德而属行明於周 所為詠歌之詩文若干首幸為之序以發其永思亦以 松莊從善常思歸而未得也又揭而顏所寓此則士友 舒區區久要不忘之心也余甚異士奇之說而嘆之曰

為勁節為永年為人之所爱著述備矣今從善之賢大 於詩紀於書雜出於傳記百家之編其為美陰為良材 而唯以松者尤非士之清者不能也夫松也佳木也該 者如是又安知端居其里如從善者尚不少哉喜雲中 日凡居而以植物名非士之清者不能也植物不以他 之有人重士奇之敦誼而惜余舊遊之無能已於言乎 未之遇耳以從善之謫戍逆旅其見稱於中州之士夫! 不可謂其地無此人逸士而不中華若也好有之而余

一段定四車全書

粉花集

道為寫坦坦而利民益世之功不小也豈若桃李之慶 歲之日自如也用之則將柱明堂棟大厦除風雨去鳥 致詠歌之多則從善之為清士又可知也張氏其殆不 遠萬里侍其親於謫所又能不忘祖德而揭顏示思以 鼠枚枚實實如泰山之安也作舟為梁以濟大川通大 則 顯於雲中而將顯於武昌乎吾知若從善之松者舎之 父乃能手封之而以名其居其為清士可知也從善不 深根固帶鋒極品需凌烟霞傲霜雪亭亭落落而百

於春樂蓉有之逞於秋芳而已哉叙之以為從善勸 貳令與志彭先生其人乎彭氏為西昌之官族先生為 戚於甲屈汲汲於利達以貽天下後世之識也若香山 台鼎膺方獄不足以施其大器此衆人之確言也然君 子之自處則又未嘗不樂天知命隨遇而安而不肯成 概不馳宛洛聘幽并不足以展其逸足君子立學不登 紀梓連抱不柱明堂棟大厦不足以效其長材騏驥伏 送與志彭貳尹還香山叙

一致之四車全書 一

易乾集

請獲歸養所居郭西之月池泉清而土腴宅幽而木茂 彭氏之偉人博通今古志操剛潔所至有氷襲聲性澹 舉首條所以濟時之切要者及釋真禮樂數事以聞持 謹修為行不妄交接調饍之暇日與其弟若子以道徳 飭告深疾奸弊之為民患者值皇上繼統龍飛庫策里 縣交辟强起領五雲邑庠教嚴毅方正及門者率就雅 仁義相講明朝馬夕馬游馬息馬晏如也洪武末為郡 然不樂仕進洪武中當路者薦之髙廟至則以親老力

海 被嘉納以行能徵請公車而委以民社之寄香山在南 先也乃浩然而涉五千里之修程履險如夷聞之者莫 以高年遠在以衝胃氛塩為至慮而先生則曰新受聖 有是選人皆以先生未得內除以廣其所施為不慎又 · /· /--- / · /· | 音弭盗訟有不得擅革者紙奏軟允春月成治問間歌 天子明命唯當勉之敬之以不負所任而已身計非所 不以為忠誠之所感也下車之日稽吏贖詢民瘼宣德 隅兵民樣處非得有為有守者未能撫而安之故 易耗集

致請馬既而為議者所尼必將竟三年淹戒嚴有期其 為美又曰凡為仕者與其位有餘而德不足必不若位 在於多而唯以見道為貴仕固不在於顯而唯以稱職 文以爲其懷屬余叙其巔未余問為通言曰夫學固不 不足而德有餘也先生既學而見於道既任而稱其職 通家直史坦行蕭先生會同郡之立於朝者咸則為詩 以年踰耳順業當謝政慨然有投老之思矣欲拜疏而 而樂之今年冬以天壽奉潘垣賀表來京師既竣事則

| 欽定四庫全書

前莫不待於賢子孫者繼志述事於後以傳之無窮也 也叙之以為異時徵 林泉間如洛中之者英從容文酒以俱臻於上壽未晚 豈非位不足而德有餘者乎其不負於聖天子之所任 余曹觀古今天下名門右族顯祖宗者既剏業垂統於 課最鳴天官年幾七十則恬然以致任養顏皓首歸休 而未可以垂老而遠辭也宜矣先生其尚弱之俟當以 孫氏族譜叙 的汽集

一致定四庫全書 著於永也綿綿而不限哉余所以讀同邑孫玄真氏族 業其統其志其事終不免於蕩然而無迹矣尚敢望其 者受封諸侯傳十世至過父為周陶正武王賴其器用 者深慨也按孫氏出於虞舜之後至成湯時有虞公光 物至今而不乏不能不為古今天下名門右族不如孫 譜而知其由殷周以來歷二三千年九十餘世衣冠文 使其有顯祖宗創垂於前而無賢子孫繼述於後則其 以元女大姬配之生子滿封于陳又十世至公子完奔

傳二世至曰武事吳王闔問為名將者兵法十三篇兵 東與魏蜀成鼎峙之盛凡三傳而歸於晉鍾之弟旃傳 世至書字子占以武功齊景公賜姓孫氏食采於樂安 秦終漢無不儋禄爵者有曰丹生鍾再傳至權保有江 家世宗之武二傳至順復以將畧顯順之後十八傳閱 齊為工正齊懿仲以女妻之以陳氏自别為田氏又五 江右因定居于吉之白下縣仁義鄉訥之弟謝居賴之 二世至唐僕射銀青光禄大夫的以黄巢之亂提兵清 剱莼集

一致定四庫全書 寧都七傳至知岳州府君魏重修族譜韵七傳至尚書 | 顛末既美其源流大且遠而宋元之文章鉅公如眉山 其子以義方之訓玄真幼聰敏喜問學孝友稱於宗族 僕射銀青光禄大夫霸霸之後又十四傳是為玄真之 君志孜孜以增修宗譜為務而以叙為余請馬余考其 所以安民而奉上者其立志固可嘉矣又能承岳州府 父仲安仲安孫氏之寫厚者也澹然不慕榮利唯日弱 四年以一兵曹部智勇來京師不避艱險盡心竭力圖

蘇先生考亭朱夫子臨川揭學士諸先輩品題之重如 殺 親如此其所至豈可量哉姑申叙其縣以俟後百年 能得名士大夫之記者如是之甚富也於戲若玄真者 誠可謂孫氏之賢子孫也矣況當靡鹽之秋天能篤志 述之為道以求不處於前聞人而有補於問裔者又安 是其可徵矣而玄真乃能俾岳州府君而下二十一世 行之序先後該括始無餘為非之真之明克知善繼善 之本支然可考復得當時朝野縉紳及余友蕭君坦 . /. / . . . / . . . 蚂荛集

致定四庫全書 至長沙古浟西南得鳳山龍潭之勝因止而家馬構室 燹蕩析者畧無寧歳繼文度故址不能復立脱身遠引 韓府長史胡養正氏世為江右禾川之名族其先府君 盧拓田圃鑿池種樹為歸隱計伯子養中而養正其仲 繼文昆弟四人同居雅睦問里以為稱勘元季兵與烽 繼女真之志述女真之事者又将即此而得有考馬 也九歲而孤母夫人彭氏有賢行雖丁時多艱而教訓 怡樂堂詩文叙 卷五

義養正賴之以有造話速既得祿則迎母以就養使再 童補邑庠弟子員孜孜講貫確然不務外節師友重之 其先業奉親供祀之餘悉送以資其弟且勉以動有之 洪武中領鄉書薦至京師授典閩之南安教養中克力 復奔走來聞中載母以歸盖以喜懼交并時也未幾母 至養中不得已奉母夫人至官以副弟意辭去不閱歲 不少缺養正資性警敏自知為志好學以植立門戶成 以高年終人皆以為養中伯仲誠孝之所致馬養正奔 部苑集

一致定四庫全書 武辛已冬郡王以受封就第養正改今職先年春養中 臨柴毀比終喪朝於高廟以材能選特權齊府長史政 檢邪二三君有鄉校之風者皆以名命還而養正周旋 尚寬簡中外德之今天子繼統之初齊以不晴廢殲其 見惟然不翅魚水之相得寢食是同者無異童此時晴 幸弟之能以忠節自白於斯時也不遠十里來京師一 門之東閣余時紀衛府善同事佔畢鉛輕問者养月洪 **弭難之益居多皇上嘉其忠仍令授齊郡王經於奉天** 苯五

來朝留西邱聞靖江之說召見而甚悦之復賜實翰伊 真諸卷端其崇亦至矣于是京之名士大夫咸為詩文 觀之碩儒王門之偉士莫不喜聞而樂道之發為篇章 而能然矣由乎此而下宜永世而無不然也誠如是則 以養夫養正伯仲怡怡天倫之樂湖乎此而上既累葉 風風乎和平安樂之音以繼夫二賢王好善旌徳之美 以紀詠之若司成之縉紳鑾坡之英傑鳳池之譽髦東 江殿下聞而義之賜書怡樂堂三字以頹其所居晉府

Le al June Like

岛荛集

多方四月全書 子孫尚皆以養正伯仲所以恬樂之心為心尤當以二 古之教者家有塾黨有庠衙有序國有學其要在於脩 賢王羣鉅公所以發揮期望之心為心哉是為序 九江之陳浦江之鄭將不得擅名於後先矣堂中之萬 晉雲擾之餘若所謂塾库序學之設者邀乎其不暇講 皆然漢魏而下治不古者聖人教人之法日替月弛西 人道明人倫正人紀於萬世而不墜也三代而上莫不 復朴山書院後序

禮復修之於國初者其亦是之流與朴山在邑城西嚴 縉紳海桑先生之記御史子啓王先生之序國錄雅言 勝長育之効與夫七十年來與廢沿華之詳則具見於 氏之居近之院因以名其創始之由疑識之宜地位之 公用父朴山書院之建於前元而其從孫國子學正從 溪白鹿洞書院之所选作于歷世也若吾邑高安尹嚴 斯道之無傳乃即及門之徒而啓廸之此石門嶽麓濂 矣於是間有高士逸民不為時用隱居以求其志者憫 錫堯集

美詠歌溢乎詞林紀著昭乎金石光遠而有耀澤施而 蕭先生之銘直史蕭君用道之領而發揮之義備矣國 莫不知仁義之可宗功利之非尚其薰陶造就之漸有 省赴京之便謁余序其卷末余幸見天朝學校之制秩 無窮者皆彰彰而可稱也今年春得其姻家蕭日高覲 子先生没復十七載于兹而家嗣俊徳克紹先志書院 然而不處于古以致政教之修明禮樂之隆盛士君子 之額芝蘭時雨之化鄉邑仰之以為儀朝野聞之以為

一致定四庫全書

1

聖天子即位改元之初政令一新属精文治凡天下側 者 炳 子姓又推之人人引掖切磋譽髦斯士其所以為風教 随遺逸懷竒抱珍之士莫不搜羅登進列於無位厥明 助者亦不小也然則吾知嚴氏詩書積累之慶將綿綿 由來矣而嚴氏之書院祖孫相承彬彬奕葉既以淑其 炳而亘於千百年之後豈有涯乎是宜序以弱諸來 送周判官詩文序

.). 1-...).!.

黟龍集

速元季采輯纂次輔便觀覽因以成一代之制作亦將 陳好義徐好古葉仲氾延平鄭孟宣姑熟章謹建寧蘇 開館武殿之南廊以從事而草創之于時俊髦若天台 括類聚分嘉言善行懲戒以為各類之綱上自唐虞下 年復動儒臣取古今君道臣道人事之載於典籍者隱 仲美大與李敏金華方叔衛朱子建寧波史維時廣時 伯厚李鐸吳中王汝玉張拱高可大溧水王真部武劉 以為永世之龜鑑舉中外士流以博治聞者會於翰林

|一致定匹庫全書

盛命文翰博士天台方孝孺總裁之命侍讀紹與唐愚 陸伯瞻浦江趙友同臨江周思吉郡顏子明蕭用道楊 士金華婁璉修撰吉郡胡靖三人者副之命修撰吉郡 士奇暨子二十三人皆與是選於是天子喜其得人之 共筆礼事非輕也居無何愚士艮鐸敏相繼物故友同 王艮編修荆州楊溥二人董督而討論之實建文其辰 月十二日也詰旦錫宴館中既而大官給酒饍中使 丁外艱去伯瞻以使朝去子明以辭老去好義仲氾 部尾集 1

||飲定四庫全書 咸稱異嘖嘖曰賢哉存誠趣舎之有道而進退之合宜 子建可真士奇叔衡維時陞擢國子王府翰林官可大 卒於官思字存誠性古澹夷曠樂放林野且年逾耳順 也於其南還軟相與詠歌以及孜德業於家庭十載間 領扶溝令思領判湖廣安陸州未幾叔衡仲美又以疾 風雲之從龍虎水火之就燥濕比之漢之東觀唐之弘 上疏力以衰絕不任事辭得古賜本官致仕朝之名士 旦而際文明之運遇有為之君當可出之時勃然如

典如是也更後十年賢材並與徳化周被四方底平余 能從懸車之請而重賜賽之祭者一皆本之因心之仁 無待勉强自然泛應而不覺其有契於古先哲王之令 尤不可以不勉其職也聖天子在上量同天廣其所以 升矣而止者亦不可以不安其命也去者得矣而就者 者沒者動者止者去者就者有若是之不齊吁良可感 也雖然沒者已矣而存者誠不可以不敬其身也動者 文殆不是過余也與諸君子何其幸數不二年餘而存 多だ集

一 好定四庫全書 實其容止也端而莊其言辭也簡而直其胸襟也恬而 池石联芳林左控平陸盖得其負郭之住勝處也孟敬 羅孟敬氏之居在泰和古城西北隅後倚穹阜前臨清 氏昆季七人皆以温厚恭謙著聞邑里而孟敬醇古篤 其巔末以為存誠贈亦以為當時斯文慶 之廓然也余與諸君子又何其幸數因詩文叙而縣述 知聖天子之從請而重禁者又未必不如今日待存誠 極拙堂詩文序

余固極拙者安能與多巧者為倡乎且多巧者亦鳥用 貢賦來京師求得侍書吳公仲平之書直史蕭君坦行 拙以見其志馬二子仲勤仲晦俱敦恪有父風仲勤以 多巧之読読霍霍者求許與求契合哉因顏其堂曰極 與極拙者但也余是以謹避之而退養余之極拙以余 夷其游處也和而慎視流俗之日習於術數變詐縱横 天年貼於後嗣而已又何敢以期期之口確確之心於 闔而自以為巧者螫然而遠之有不知而問之則曰 躬藉集 平八

告漢陰丈夫抱甕而灌子貢語以桔槹之佚乃**曰有機** 事者必有機心而不知為夫桔槹巧者之務也抱甕極 之記一時名流賦詠非鮮以序為余請余曹為通言曰 夫拙之外也澹臺子羽行不由徑夫徑固巧且捷也問 拙之為也然寧為此而不為彼者以不事巧之機而舍 所事於巧者而已又曰無所事於巧故不為巧者惑也 夫耽於巧者拙之徒也然所謂拙者非果於拙也以無 道若拙且迂也然寧由此而不由彼者亦以不事夫巧

銀定四庫全書

100

アニション・トラー 至孟敬獨能遠避多巧而以極拙名堂垂示其子孫於 為文以寓夫守拙之至性於戲若柳子者豈非深有符 於漢陰灣臺之心者與又千百年知是道者益不屢見 唐之柳子切惡夫機巧傾險之姑教而病國也托乞巧 又豈非無懷天民之徒者數述之以為極拙堂詩文序 永久於戲若孟敬者又豈非深有符於柳子之心者與 之邪而棄夫拙之正也千百年餘知是道者不屢見至 水蘖軒詩文序 易乾集 桑九

尤貴乎有過人之德量也夫德量者所以居材能志操 資閎深之宫宇以居之則庶珍雖富出之必以其時用 贵哉若姑熟李介石氏者窮則有以濟戴虞達則有以 其時用之不中其節不失之妄費則祗以誨盗耳鳥足 士生斯世有過人之材能者亦貴乎有過人之志操而 不有問深之宫字以貯之則未免暴露於外出之不以 之必中其節而不贻慢藏之譏矣使其有庶珍之富而 之宫宇而材能志操者宫宇中之無珍也有無珍者必

金分四月全書

任煩劇其材能足取也止則非其力不食仕則非其道 貴敏其邑友通政章公有常知介石而志同道合者也 而無問待人以寬而於人無所不容其德量又豈不足 不以一毫取於人其志操足貴也處已以誠雖不見是 改元初首萬于朝後諸天官授饒之樂平丞丞貳令者 文已写真人的 酌也催徵之緩急賦役之輕重則同其權宜也故令與 也政教之美惡則同其張弛也法令之得失則同其斟 |丞非協恭和東如家人父子之相得者鮮有能康庶事 芻蕘集 圶

金月四月在雪里 有古良牧之風樂平之民幸矣哉客有過其色視其田 造其舍言論界日而知介石之有諸内也因章公薦則 有屬志清苦之語遂以水藥顏其将息之軒蓋將與其 野之闢人民之安牆屋之脩樹木之茂曰美哉為治乎 由是而上下之情無不順小大之務無不舉遠通之俗 明克斷而不過於苛察也克敬克讓而不流於怯懦也 而成偉績也介石氏則克温克柔而不至於疏怠也克 無不知後先之効無不立士稱其賢人樂其化井井乎

羹大牢之甘美也以之為財則不若渾金璞玉之貴且 文之9年在時 若文若詩幾數十篇屬余序之可無言乎於戲水者物 而章公方移任王府長史同余以奉勅編纂內廷誦介 重也而古之先民獨取之以為高賢真士之令稱者豈 之至清者也蘇者物之至告者也以之養生則不若和 公樂於楊善也一日攜朝野名士大夫所為水縣軒記 石之德下生民者如是重介石之為於自修而亦重章 既往勉其方來其意深矣三年春介石以貢賦來京師 多義集

金少四月白雪 徒然裁蓋士之能以一康自守而纖芥無私極天下之 時流芳於竹帛如彼其彰彰美介石復以是聲而見信 紛華靡麗邈然無足以動其中者則非永之至清固不 下之珍羞滫腦判然無足以移其志者則非蘖之至苦 足以為之喻也士之能以澹泊自勵而不求温飽極天 彰矣乎是宜諸君子紀述之不疑而推許之不斬也介 於交友揭顏於高軒百世之下安知其不亦如彼之彰 固不足以為之譬也然則昔賢既以是聲而取信於當

事唯送死可以當大事大事者豈唯棺椁衣衾哀戚享 賀冥實關休各可不慎乎孟子曰養生者不足以當大 陷於背囚騰漏不畜不及之穴而不為飄風水泉螻蟻 祀盡其心而已耶蓋卜其宅兆而安曆之律親之體不 父母本骸得氣氣感而應鬼福及人故青鳥子曰藏于 龍蟠子曰葬者掩親之道送死慎終之事也人受體於 石氏其尚朂哉是為序 相山經序 錫乾集 主

一致定匹庫全書 拳戀之此嶫或即两隴之奔馳或乘丘阜之散漫指偽 某山也富某山也貴或深入於壑谷之確宿或高步於 為支結之為穴則其然無識若瞽叟夜遊出出馬質質 為真指虚為實指背為向指凶為吉而於陰陽消長之 至享祀之物非不豐也而感于迁怪之士肆其誘誑曰 妙五行生化之機原之為祖行之為勢止之為形護之 行棺椁之殯非不美衣衾之飲非不厚哀戚之容非不 之所害是亦當大事之一端也會觀巨室之葬喪禮戒 卷五

楊曾諸家地理之文參集融會恍然之間殆有以得其 乎余曾憫夫訛謬相襲無有届止因上考於古有孫郭 妥其親而卒棄其親圖亢其宗而卒覆其宗者比比有 ころこうこう しきよう 馬是迁怪之士之証人其害之重至於如此又可不慎 螻蝗之聚親之肌膚不勝其際塚神失依子孫惟殃圖 世皆然罔或知其謬而正之也為人子者不揣其德而 馬莫知其方不懼禍福之隨人稱奇圖金帛之利已奉 貪其蔭循其所指蹟而厝之則美棺厚象終皆為水泉 剱羚集

基山之法流為災與詭秘之衔務以悦人而不知究其 當時之士反是是以遂以其正駸嚴然入於邪也以其 本也由入於簿故以整人之親為資養之策於已親則 明昏昏然入於怪也止其忠噲喻然入於簿也由入於 於邪也術尚於明不尚於怪也行尚於忠不尚於薄也 要領復從其所能洞是術者為之師又有以明其條目 而墾山之法於是乎通矣當為之言曰學尚於正不尚 **那故以葬親為話富貴而不知其孝也由入於怪故以**

|多定匹庫全書

忠孝而述也母姓彭氏諱屼貞生而顏悟幼醇謹貞亮 綱常懿範者廬陵周徳當問居之日感先母幼日教以 由是而考馬則無乎有以得其古而不差矣 而自序其首如此以俟夫孝子仁人之欲妥其親者必 君子知相人之理則可以知相山之法矣故筆之於書 遠取諸物蓋相山之法相人之理一而二二而一者也 綱常懿範叙

泛置之而不顧也悲夫待數前聖仰觀俯察近取諸身

とこうえ とこう

易差集

去

多定匹庫全書 長僅識字而知文學德義之為美且貴馬性喜聞古今 忠為子當孝則不墜汝父志也元末兵與問里為析則 本末詳明丁寧篤誨曰汝謹識此長須學此曹為臣當 忠臣孝子烈女行實常心記累百當慈父見背母年二 能從外祖庭椿居士先事遠引保身濁世人皆服其明 十有八孀居守志祭利澹如德南四歲即令就師習學 夜必教以修身勤學之要然後舉所記忠孝故事一端 且哲馬亂定時平歸結盧獨處具勢遣從里縉紳渚樵 卷五

i

CANTIN LILE 敏軟許以孫子妻馬母喜曰吾子學問有托吾無憂矣 皇帝聖神股肱賢良當以為天下士之未受知於主也 哉迄今二十有餘年矣幸逢當今大明麗天普照六合 遂敬禮先生同於嚴父凡嘉疏甘果不以進奉不先入 胡先生學先生言行端崇德業充裕當世罕比一見聽 示諸掌於斯時也誰不欲出與當路先達同心協力以 棲運草野躬親樵畔百載而上賢愚成敗得失利病如 口居無何而吾母先生相繼傾逝使大恩莫報嗚呼痛 易葬集

非人所能為於是安貧窮一旦又思吾母之所篤誨於 黼 散皇散榆数聖化鳴國家之盛然而行藏取舎固皆 聖朝思治之切退不能有以顯先親潜徳之美遂於暇 愚也如此其勤而因循落腿年幾不感進不能有以神 家該舉桑倫囊括善類綱領布條目分坦然易見為 綱常懿範凡十六端二十五類通一千三百九十有六 人極之內德崇而業廣功成而譽顯者翠為一編題曰 日承先親之遺訓旁加蒐葺中古陶唐而降天統之間 卷五

一多方四库全書

沙之四車在書 !! 九族思揚其名者求夫縣芳之卷則必無負於百年矣 之必確矣思齊其家者閱夫同居之目則必能敦序於 果矣知難而欲退者論其清隱之端則属操愈堅而守 見可而欲進者視其才傑之科則英氣自倍而行之必 之志為女者聞之則可以散慕依放而修其為女之德 於忠義也為男者覽之則可以感發造就而遂其為男 也為人臣者觀之則可以景行先話希蹤前烈而勉成 君者鑑之則可以效法明王追跡往聖而力致於隆平 易乾集

是則又有待於後之博雅君子與我全志加之潤色補 恨山林淺陋古今浩渺不無遺珠於滄海滯穗於甫田 有其人是則古雖有傳以今觀之亦不完之器矣故敢 歷稽史籍旁參百家擬見聞之所及而紀是編然而尚 女各已有傳然放其時至今復五六百載嗣察之者未 **縣而論之乃人倫之儀則也雖漢唐以來百將循吏列** 其遺缺世以繼世賢以繼賢增新於名數續美於諸端 以陳善閉邪為之宗古去梯稗而養稻梁集鳳麟而掃

一段定四車全書 !! 簿佐令者也令之所行善簿得而賛襄之所行不善得 而匡正之版籍之多寡賦税之厚薄徭役之重輕刑名 蟠是脩周惠書于舉岡之寫經軒 於編首無覽者知所本未云時洪武王申孟夏朔日龍 光被下以慰先母教訓之不負馬此愚之志也故自叙 則足為士女向善之指南上以賛聖天子風化政教之 鷄 稅使用於朝也則足為君臣進德之龜鑑用於野也 送陳簿叙 - 錫葉 空

者令與簿實同其責馬然則膺是選而居是職以受民 一無莫不忻忻謳吟以為受永世之惠於陳君矣君則退 |貪吏民蓋有不勝其害者君察而患之軟躬赴朝堂陳 及春月政通人和百廢具與先是崇仁之田稅法壞於 社之寄不得其人不可也無之崇仁簿天台陳君尚義 之枉直風俗之美惡平章綜理俱無一事之不協於中 於皇上得請悉革煩苛之弊而定為寬省之科邑之黎 由國子生起家任雲南軍民府經歷再調而臨是邑未

蓋重君之遠度也三載以納賦來京師而崇仁之俊义 為委吏聖賢仕止往往安於所遇隨時處中以行吾志 舒君孟明太學生具爾瞻劉子羽誦陳君之善如出一 而已易會以崇軍小大切切為之校哉夫簿之為職雖 大賢之路豈果足為名言哉柳下惠不甲小官孔子曹 口余聞而喜之日古人有云枳棘非鸞鳳所棲百里非 列清階於大廷若典籍黄公子中編修具君德潤給事 歸美朝廷曰是聖天子之賜也余何有馬有識者

淡色可事在野 三

易発集

者陳君其知慕於四君子者與其與汲於進取而忘 明道當為之而終以理學倡天下洪光弱當為之而終 甲且小也然昔賈浪仙當為之而終以詩名傳古今程 邑又豈不為漢朱司農之桐鄉是為序 以為陳君望陳君往之期必有以副吾之望而崇仁之 已量之所稱者相距豈不遠矣乎四君子之德業吾將 四君子之才能操行猶不以之為果小而有所不屑馬 以使節顯青史葉子昂當為之而終以相業著門閥以

同而失於紀著至未久而以為異者固非仁人孝子之 譜謀之作所以紀族姓著昭穆定親疏辨同異也夫本 というら たれ 灘江再傳至高祖月溪徙桐山又三傳至先考君邦賢 歷西臺御史僕射朝奉大夫至潭州主簿自爵察徒居 心也本異而强於板附欲眩人而以為之同者又豈仁 視如塗人者皆可戒也吾祖由金陵來止泰和爵譽里 人孝子之道哉若郭崇韜贻拜墓之譏蘇老泉所謂相 周氏小譜序 易養集

有熊山寶禹鈞子儼為之首序有益國文忠公為重修 寓大原里有同姓富室願以百金買語而叙同宗之好! 徙陽岡里奉子岡既於兵發實藏吾氏之宗譜惟謹譜 譜語加於荷擔之上意有急則棄擔攜此以竄荷者弗 肖子乎是何甲我之甚也其人根而退乃别製帛囊貯 序有太祖夫人金花封語二庚子秋挾厚貲避地五雲 之知至地名分水愈不堪其重揣帛囊疑卷軸為繪像 先君怫然曰而欲以百金鬻先世之封贈於他囊之不

舉問八該卷間便後之覽者得有所稽而引之於奕世 終其志固可憫矣惠幼孤賴賢母教育底於成立當念 官當以侍講之服因述見聞所及作周氏小譜而置之 慎成疾以卒嗚呼先君直艱世而保護宗譜若語如是 先君之德思所以成其志而未能也洪武已卯備員王 之至蓋將以遺於後之人也不幸為荷者所棄致疾而 相及問其囊以寔對亟反而求之留月餘竟不復得憂 即悉曰命且不測猶荷繪像乎解而去之去十里行始

大三日草 山島

易乾某

金万里屋 白雪電 期無負於先君之志云 西江歸與圖叙 卷五

而先生不之骨日汲汲以乞歸為請又數抗論切直忤 西 于有司而有韶州乳源教諭之命同志者莫不惜之而 例送翰林武本經義論策獨冠多士將待以不次之權 江歸與圖者余友壽库禮用黃先生以考績詣天官

先生不之校唯以便道得瞻桑梓而一拜先人墓為幸 又喜西江數千里山川郡國之形勝得重經於品題也

鑫揚瀾湖天之縹鄉烟水之微茫舉莫非歸途長吟朗 若西山南浦徐稚亭滕王閣名藩偉觀亦莫非歸途登 詠以摘辭染翰之資也又其西為具城為昌邑為古洪 **教南北群峰之秀可攬也又其西為小姑為彭郎夾流** 對時合西南半天下諸水都會於此而東馬觀之者莫 采石有李白謝眺之遺蹤可訪也又其西為銅陵為潛 不可以蘇胸懷而遣此抑也又其西為匡廬五老為彭 即買舟載琴書由金陵遡大江而西不一舎為三山為

次主四華年

易克集

|節文章著聞奕世猶倬倬而可仰也又其西為丹砂為 於是那甘溪在玉華之陰山環而水迴土腴而木茂居 淘金為余西昌之邑若龍洲鷗閣玉華武姥之勝又甲 吾盧陵故郡岩螺川鷺渚青原玉笥之奇甲於南中忠 **職於平田曲澗之賓浮嵐暖翠朝暉夕霏晦明變化修** 民繁夥而禮俗醇厚黄氏之居則依於窮林峻嶺之麓 高覽古以遊目聘懷之助也又其西為豐城為玉峽為 忽萬狀莫非可以恆中心而怡素志者宜歸與之浩然

有也余既無是圖而識先生之與矣乃為之言曰夫士 朝廷於是職必慎擇其人馬而不敢忽是行也既膺付 皆然耳别乳源距西昌為伊通教諭係一邑風化之首 君子之倦遊而思歸也若陶淵明之於晉則不遇於時 若先生之於今則遇於時而不得由於已故當夷然委 順以暫遂其歸休之與者也淵明之與先生蓋易地則 而得由於已故能脱然竟去以終遂其歸老之與者也 於其間而不可過尤宜是圖科然而作於曠古之所未

段定四車全書

粤莞集

為都魯之鄉哉於斯時也時行而行以先生之才固當 抵於韶陽與凡盜斯邑之君子協恭和東以一正其紀 雲思雙異瞻鬱孤之臺以探章江之源度梅關經南雄 車遂請及余也得偕踵二疏之清塵蒼顏皓首萬中野 起而鳴國家之盛以大有為於天下未晚也由是而懸 源期月而可矣三年而有成則乳源之邑其能不變而 托之重而王程未追固將先期故事由西昌而上道五 新其德教如植木之必培其本如導水之必濟其

九三日日 八十 蓋以形似而得名於鴻濛開闢初孫氏則旁占其秀以 孫宗佑氏世居山陰之卧龍山山蜿蜒盤旋驤首蹲尾 水之勝亦皆磊落不羣而彰彰乎古今天下者也雅士 兩浙名溪山以會稽若即為首稱其秦望鑑湖蓬萊曲 為異時徵 服日相與尋文酒之約於東阡西陌松筠桑学間以終 其天年則何樂如之何幸如之哉姑書於圖之左方以 秋江送别圖叙 易養集

卓見稱於流輩洪武戊寅秋以瓜戊來京師掛劍長安 奔走作息之間且假館偶為諸子弟於式馬建文三年 涉學敦典樂善澹然不以利禄經心愛親敬長行義卓 春乃得單疾辭遂其高也買舟龍灣東歸之與可知矣 凡知音者莫不重其為良家子而不恐驅之行伍訓練 陌賦從車詩十餘篇宛然有盛唐作者風格渠帥以下 儲英毓靈綿與葉演慶源於無涯者如彼也宗佑少 日攜所寫秋江送别圖及名士大夫所題品詩一卷

金分四月子言

文通之一賦秘思妍辭膾炙人口亘干百載之下有 鄭廣文之三尺者可嘉也喜而為之言曰古之君子未 綠波送君南浦傷如之何其悠然無窮之意則寓於江 曾不為別其别馬者未曾不繾緣馬而不能為懷也夷 日馬者誠揣情而根理也宗佑乃能寫之以為圖而又 以來若遠别離則傳於諸家之樂府若春草碧色春水 猶馬而不思捨去也故往往聲嗟氣嘆形於詠歌漢魏 調余以序為請觀其圖趣恬遠知其早有得於王右丞 岛堯集 キ四

欽定四庫全書 有感於是圖也別宗佑安於行藏之遇而明於進退之 馬撫圖誦詩而思故人知已於青雲之上殆邀乎如丹 翰墨涵融之表馬非悟於理而深於畫者不足以語於 機從容乎義命所在而無一毫茍得之私馬無幾其為 江 丘 此然則其還而依於卧龍之山開晚翠之軒以将馬休 於宋玉所謂登山臨水送將歸之坐情婉態亦併見於 望達壺於碧海微茫之外其為别之懷較之今日秋 徘 何顧惜之頃又當為何如哉此余所以為宗佑重

中以為昨夕進修之勸 不然何其出處之自得如是數是為序俾歸而揭諸 髙世之徒有諸中不矜於外宜非衆人之所盡識者 粉雜集 とする

|銀定匹庫全書 易堯集卷五